

白
華
前
稿

白華前稿卷第四十八

南涯 吳省欽 沖之

古今體詩學舍集八

旃蒙協洽

昭覺寺

春鳥呼春人啗啗郭門北言期石斛山風烟浩難識
蒼蒼麥妍暖暖桑柘殖雖然冬雨枯漑流滿溝洫丹垣
祇樹林邐迤望何極馬蹄隨白雲汗漫舍輕策鑪烟蕩
經幡見胡甸切身百千億危標切霄漢龍藏映奎壁今時
布金黃往日劫灰黑管管李鶴子慘裂佐屠伯掀髯語

破山有肉好同喫喫肉拯衆生苦修感帝釋俾與雙桂
堂開宗冠巴夔禪關枕官道焚禮逝如織蓮花妙莊嚴
人天眩雕飾幽幽苦逕穿冷翠溼杉柏野僧長淨名雲
山染衣色蒼然對眉宇萬象悟淵默打鐘坐蒲團此豈
假魔力一掃酸餒腸歸塵影將夕

人日秋漁晴沙笠湖澹園集扶雅堂分韻

服官喜餘暇矧乃春序暄得朋樂同類矧乃鄉曲敦吾
儕重人日日往人則存今人不古若今日古所論牀頭
酒新熟一笑開南軒細草萌壤堦幽鳥窺小園客酬主
再獻引琰長源源肴核何必嘉禮數何必煩肝膈舉傾

吐可默時可言雖無絲與竹習靜知道尊亦無監與史
觀理知色溫暮歸晝常聚後會庸勿諼

客罷拙韻適成走示晴沙承示酌字韻作

瘡能禁酒闌珊罷詩要拈題陸續催急遣長奴呈短藁
重門不鎖待書回

草堂舊事人爭引穀日清晨話定傳探得明珠光百顆
癡龍深夜惱無眠

兩家相近宜隨便三友雖歸祕未抽我欲難君君炫我

知君新得鬼饅頭

本草薜荔一名鬼饅頭
晴沙久患痔得此乃療

澹園寓秋漁月波亭促其分韻之作

青衫司馬例風流
運米差閒作少留
昨夜嘉蔬春酒會
去年穀日果山游
華顛爛漫宜同此
素侶招呼略勝不
莫避主人橫槩賦
吟腰相關大如牛

集晴沙臬署天妙閣觀東坡所書洞庭春色賦

蹟分韻得洞字

蘇州揀橘慎唐貢太湖栽植斷冰松
錦江西隔天盡頭
方物雖佳難伯仲
天妙閣主閒墨林
召客傳柑飲皆痛
董公十札宋四家
一卷一盃笑聲哄
是書最勝出最後
墨汁淋漓望如凍
去杭歸闕緣乞嫌
穎尾逍遙勒絲鞵
手拈滑盞即藥玉
酒到齊入務蹟然
愜飛動簽書教授

都雅材同調三人遽成衆東齋求勝鎮山嶽北渚臨觀
吞雲夢囊空學富天麒麟魚得蠟梅折親送忽聞都下
寄佳釀戲令分盞漉巾幘色香味三絕畢全醉後新篇
劇吟諷作詩作賦并作書酷似侯鯖列魚綴賦心翻藉
弱弟傳自跋寄示子由酒方尚折賢王衷黃柑白墮成一家吹
入東風峭三弄酒乾墨潤春後春苦憶夜廳折春甕吾
儕對書且對酒笑署飲仙跨鸞鳳涼州十斛準先換江
陵千樹億屢中賺人釭面吾不爲頗學老坡腹空洞誰
封三百顆題帖龍虎相持莫爭閑

作前詩竟晴沙抄示原跋安定郡守以黃柑釀

酒云云郡守當作郡王疑其贗再疊前韻

贗書贗畫玉堂貢老眼看花隔霜松指間拂拂出酒氣
妙蹟能無寶蘇仲龍圖知顧秋到官公退清閑臂退痛
公至顧有臂痛謁告詩 華原公子越王孫簽判區區少騶哄放魚

魚恐西湖乾栽檜不辭北牕凍一詩一酒都絕奇況有
長瓶驟雙轡來從保靜王為保靜標記新名署洞庭顏

色動老顛能乞趙能餉餘灘如分帝觴衆興酣落筆詞

賦成跋尾何緣同說夢爾時安定瀕羣作郡朱輪那

能送名王借封異借傾誰割酒泉隸帙幪繹經僅被施

氏稱蘇詩注王問與裂土蚤聞魏公諷魏邵錄神宗欲

學官講釋經書

王後一人王之韓琦以爲不可乃用近屬
封郡王之制以宗室世準爲安定郡王 分甘族子誠
有之肯令狂吸越繩綬戰戰弓袖巾西子賦語荒唐無
所哀賦真字僞心計勞吾等公然受擯弄狙須湔洗傾
惠泉一韻罰債一百甕浩呼並識角弓蛇微吟再吐彩
毫鳳賓主俱賢茲會同自嘲不幸言而中嘿手墨香前
澤存沾膏釀法先幾洞此詩膽學橘社傳定惹錢唐關
聲聞

三疊前韻解圍並題卷後

青茅縮酒責楚貢萬戶千邨歌霧淞百分春色落公手
開徑欣然酌二仲半酣出卷誇示吾取譽獻嘲得毋痛

宣城毛褐假勝真故諺有之劇傳哄竹素空煩祕徵典
雌黃轉悔急呵凍世間萬事泡幻多出舌追難躡飛鞚
坡仙題跋富編錄此跋雖遺趣生動斷章取義在賦首
橘中老叟壹何象鶯眠竹籠大是點鹿覆蕉陰豈非夢
王家釀製守署飲若箇破除興斷送朱顏載醜耳雙熱
厚坤爲席天爲幙君子寓物意不留坡語分明切規諷
其真勿喜假勿怒悟道觀空脫筌纓元祐辛未今乙未
相距迢迢待裁衷但令伸紙勢揮灑那問濡毫信拈弄
況聞內翰擅詞翰郎奇之管退盈甕屏上無妨誤寫蠅
雲間未免貪草鳳貪草雲間彩鳳書蘇句諸公善醉尤善吟健筆

應看一發中賭酒言從錦里坊估書求弄華陽洞松醪
賦蹟嗟在無持付宜僚解羣罔坡公松醪賦跋云予嘗作洞庭春色賦吳傳正
獨愛重之求
予親書其本

附
同作

金匱
顧光旭 華陽

安定郡守何許人猶子簽判趙德臙洞庭春色賦兼
跋雪臙書此寄願濱搨本臨摹世所有墨蹟非古新
非新時無鉅手此亦貴我惡其似能亂真獻歲風光
轉庭樹高談取笑娛嘉賓名公好古入骨髓樺燭夜
照紅錦茵一童蘸函一持筆引函不發先飲醇星雲
爛漫爭早觀墨光黯淡紙色勻從頭展卷愼寒具松

州觀察愕且瞋揮杯大叫此贗本胡爲來此前席陳
座中勿喧共浮白視學使者今吳筠爲從此賦述顛
末坡公守潁齋廚貧其時簽判越王嗣其年辛未及
壬申陽和散入汝陰雪梅花梢酒月似銀此賦首言
橘中樂中言達觀賢王親王名世準非郡守此跋謬
誤殊不倫公昔書此贈傳正彩筆已與風烟淪金寒
石泐八百載豈復呵護煩鬼神世間茫昧盡若此虎
皮羊質徒跼蹐我聞此言更洗盞奉君筆札當裁岷
分題闔閭動鄉思洞庭渺渺波鄰鄰春風何處吹綠
蘋包山桂楫蕩遠津吳王觴此西子嘯一觴再觴羅

韞塵天姿國色愁東鄰安知東鄰復笑顰興酣作歌
爲絕倒夜雨洗出眉山春

促諸公坡蹟分韻之作疊前韻

占人占穀景初流口福銷磨眼福畱翠墨欲彫清潁守
綠尊如對洞庭游華亭削札相方未佳節傳柑及記不
莫遣玉山草堂主登壇執耳悵無牛

先是出董文敏十札相示

護國寺傳是楊文憲宅恂叔丈於其後葺升庵

落燈日招集分韻

升庵成金齒領檄頻還家製輿狀若升而以庵名加牟
川敞廬埽瀘川游屐挈成都纂地志館局當不遐抑或

祀江瀆早年奉皇華有街字狀元佐證非繁哇佛火光
晰晰梵語聲啞啞其隅數弓地麀眼編竹笆松州老繡
衣割此恢行衙憶爲粵嶠守結巢榕樹丫泊爲益部使
仗節河上查連年走西徼燈信悽霜笳楚歸山意外葦
屋招麀麀賞心玩圖史洗耳祛箒毳懸燈照昏黑玉樹
浮銀花花闕燈自燒燈過花始嘉何當花發夜百盞擎
天斜庾園槐婆娑宋宅茅周遮庵興及庵廢若不關僧
伽一笑更呼酌爛醉天之涯

秋漁澹園招集草堂寺未赴

一臺二妙興飛揚笑引簪裾逐隊忙細馬障泥川主廟

流鶯喚酒杜陵堂勞人世故終牽率上客春游費測量
半坐應酬半疎懶懶題詩在贊公房

草堂寺落梅分韻得星字

潭水一枝青枝殘水在庭雪痕涼沁路花氣暗流汀春
酌更相賞夜吟長獨聽倚樓風笛遠吹鬢感星星

曉起瓶梅盡落憶諸公草堂昨遊乞澹園畫

蒼瓶涵古芬來自草堂寺敼敼草堂靈悠然挹巾袂本
無曉風欺狼籍十三四瞥眼花是空何如不花貴羣公
昨載酒惜梅寓真意公遊如我遊豈必一枝寄況逢梅
信闌卽物感榮悴梅開鳥俱樂部梅落客紛棄永懷草堂

主側身任天地斯寺在堂先斯梅爲堂植因依得所宗
吾輩鬯畱憩非無冰雪姿偃蹇蝕寒吹自開還自落糞
火委相次達夫人日篇有梅結遐思爾梅動詩興雖落
蘊生氣爲煩霏辦香擲取凍雲墜

晴沙貽橘酒二瓶四疊前韻

蜀柑平蔕壓包貢那解連瓶寄花松偶攜數枚載邨釀
懶聽栗畱到春仲眉州華酌玻璃春不入蘇篇劇堪痛
趙家柑酒句三見後山一和響騰哄人情貴遠易忘近
鄉味雖佳付枯凍得毋量淺嗜醇耐天馬駒難駕鞭韁
眉州玻璃天我題贗卷監其腦郡守郡王筆妄動因思
馬駒放翁句

洞庭木多橘踰淮之化凜頑衆黃甘陸吉非一家豈許
異牀作同夢酒徒看朱每成碧地志山經孰檢送卽今
京口醞木瓜橘醞較稀羃絲幪懷土終懸所贈情讀書
恐誤蹲鴟諷兩壺倒贈口吸將僉訝長鯨決疎綬上中
下品粹苦甜斯語未公待評衷配色猶疑枝底垂沾香
只少帕間弄此醉在心不在酒立格要須捉臥甕來朝
醒解逐舞扇撲盡翩翩綠毛鳳種柑萬本篇萬斛膏未
濡嘗意先中爾時有叟爭局基笑我風塵太瀕洞青州
從事化鳥有衝斷愁腸酒兵關

早筍

冬蔬青滿畦冬筍遠難得早筍小如指謂與燕來江南筍名

敵壅糞揚稽灰一二迸林隙是爲白甲材三月衆始喫
爭誇雷蟄初寸萌直錢百川種慈竹蕃連叢蔽邨宅厥
筍大且多味苦甚黃檗生水煎再三風戾乾策策甘馨
雖漸回生蠹僅存腊忝遊簞簞鄉千畝挂胸膈玉版禪
試參朝衫脫未值老夫戒爭早姑待角盈尺庶免天殞
譏堆拌敢狼籍

櫻筍

併葉夜叉頭筍芽美人指物態奚絕殊且候蟄雷始春
尖隱膚寸掘食口同哆銀刀剖玉條見胡甸切出子魚子

僧製今嘆稀蘇咏古稱旨清馨溢廚傳有鼎末由砥我
僕來楚南云可清羊豕早虛肉食相幸識菜香理出奇
購園官饌法久荒矣一抔雖作羹三嗅欲投几不如養
使成皮毛剝纏纏補屋替青蘿衣地勝文綺口爽心發
狂矧乃味非美鄉思訊萼鱸區區豈在此

患痔旬餘晴沙貽鬼饅頭療之五疊前韻

比年校士畢秋貢飽喫齋廚對寒松臘鼓春簫依次來
竚及采繁歸南仲流水不腐樞不蠹卻爲偷閒惹疴痛
忌醫諱疾三暮朝美疾在躬畏招哄中乾雅令腸胃枯
下暴全疑血管凍脰肛怒脹尻股敲褶袴何由坐鞞鞞

虎頭老癡素同病跼伏無慘倏飛動千金古方萬金藥
誰與博施俾濟衆得者容易求者難無根靈草懸宵夢
此草非草實如果如拳兩顆打門送釁沐頻教倚板牕
煎熬定使覆臙幪霍然蹶起心忼然因君感激爲君諷
人生五體結皮肉經絡相交竹支縷以腰下上分地天
清寧得一貴衡衷瘴盈痺弱其失均造化小兒柄斯弄
我患癰疥非腹心厄勉加餐拆齋甕浸淫大宅元氣充
真見身輕會騎鳳不然釋此爲外憂不治治之邪孰中
調御須尋金紫丹刀圭且記瑯嬛洞
瑯嬛記朴硝
治翻花痔
一舐誇得車西河老將憺忘關

王秋汀凌雲載酒圖

金粉江城帶白沙第三峯是列仙家人生但載凌雲酒
何必朱轡守漢嘉

綠波窅窅下灘船明月春湖阿那邊描殺數重螺黛淺
一時過眼變雲烟

大佛厓頭路舊知幾家白酒颺青旗開圖喚我重游夢
細雨春帆倚驛時

食齋

芹菹家甕儲樓筍僧廚紀長公炫鄉蔬食單坐虛此官
園新綠繁蒿逕菜如綺春齋乾塌泥半生或半死得地

茶茗飴失時薺非旨狂呼挑滿簾淪手轉柔靡蜀庖聞
見訛謂等道旁李見少不見珍肉食大蒙恥江南試燈
候配餠入糰子乍逢纖葉初要及未花始作羹材被遺
爲屈不知已世途營苦甘棄取有常理豈無膏膾人欲
與蓼蟲比三誦谷風篇閉門吾老矣

庭前杏花

鄰舍拂香空吾庭萼破紅後開還後謝不敢怨春風

藏香

薰籠媚閨情炷鑪誦佛號香市喧蜀都卻被海南笑謂
乏龍腦珍兼遜鷓斑燿下駟安可充先韋幸無躁尸陀

林各天西藏直西徼唾棄南北宗帖耳奉黃教吹螺響
鳴鳴轉幡影浩浩正法如日懸一氣大感召甘松及珠
貝百鍊入鎚銚搗爲元霜精搓作金管貌星星微火來
烟篆四騰掉其臭淡無言其燼光有曜重帷閉少時融
液透百竅辟邪具神通那必數醫療方今威德宏神僧
契元照重舌赴東土焚頂祕虔告區區登貢餘惹衣記
廊廟使臣荷分致羌情驗謹叫東香同東芻價壓萬躡
噉鄭重燒博山心清遠聞妙

藏璣璣

邊城出魚通鳥斯藏聯屬水草健移帳羊牛富量谷豈

惟馳騁便寢食利皮肉一毛積萬毛
璫珣細盈匊漫撚

詩注袖受經

體漸麓交搓緒相續數丈亘一條
條條受機袖
經之旋緯之織作妙緣督長鉤準
高架用手不用足正
成刮使光束卷詫豐縟彼中霜雪
繁適體耐寒燠披同
黑貂襜藉勝紫熊褥入市茶馬
偕任貢組纁

皇靈被戎夏如布罔越幅庖夷徠
桐漿準部資考牧曜
瑜致新羅羯登獻身毒弓衣繡詩
句卽事驗懷服殊珍
何自來展對見羌俗復陶製效秦
黃潤價壓蜀賓屬番
駝尼攷校昧前錄爲報割瓊情纏
綿佐宵讀

扁院兼旬恂叔觀察言升庵梨花大放且告行

西路大營

行衙分攜一龕牢幾樹當軒客醉豪按罷紅牙春似海
勸君休賦伐櫻桃

畫梁早燕聽餘旬歲閨花遲苦泥人丹杏碧桃零落久
斷無好雨灑車塵

松棚晝掩足音跂貝院香霏撲座濃披盡黃茆連白葦
梨雲寒隔兩三重

楸砥

西營地名

年年傍鼓枹賞花有分返成都北征一賦西

征又雙井詩傳一帖無

山谷有梨花詩帖
觀察書學山谷

禊目恂叔觀察送牡丹言楸砥多此

鋪堂花鬪影嬋娟未是江南穀雨天
禊節分明攜酒酌鄉風錯迕著酥煎
傳言西徼開同此折與東風信偶然
一種多情山谷老天彭遺譜落烽烟
復齋漫錄孟蜀時兵部尚書李昊每將牡丹同牛酥贈人曰花謝卽以酥煎食之無棄穠艷

偶酌戲寄都下故人

我生弱冠前人脣酒能品兩踰佐兩壺
覆掌無餘瀋數載落江湖失德倍危懷
號呶厭鯨吞驚避肖魚淦京華新故交
勸作文字飲有時乘衆醉連倒杯十錦
陶然俟其醺腹痛劇痒灑寸腸枯不甦
大戶未詳審謂我強悍成安得食桑甚
一病博一升責難壹何甚因此壁再堅

衆目怒交睚最苦南鄰朱_竹更憾東陽沈_樓柳榆復誦
笑塞耳斂衿衽泊來東西川兩閱秣田稔邀牀趁嬰游
鹵饌訊調飪偶焉三數杯向晦獲安寢豈關案牘疲尚
恐車裯塲苦樂心自知勿向舊游認護戒與破除其權
我所稟他時旗鼓逢有口我仍噤

移菊簡晴沙觀察

時菊榮故栽連叢狀紛糾有若未時秧兼似待排滿過
盛虞兩傷或肖亂蓬首今年春雨稀日灌水數斗舊本
新吐苗按法利疏剖不記紫與黃不問妍與醜欲接根
恐傷欲澆葉易朽分盛老瓦盆護視同扞擻冷官廳院

閒作花爛重九花發吾未歸栽花吾亦偶側聞烏府間
二鶴夜相守鶴如君子身菊是隱人友擔致重滋培庶
幾侑清酒勿使俛啄殘負此種花手

雹

是日農壇禮成老農言歲戊辰金川垂平時亦有此異沈氏筆談河州雨雹大如卵小者

如茨悉如人頭耳目口鼻皆具次年河州平蕃戎授首者甚衆

蜀地無冰暖易回紛紛冰子大如杯響敲駕飛千門震
冷逼鱗塍百草摧陰氣欲凝何太暴 聖朝雖有不
爲災遺民解識銷兵兆幸語羣公畢九推

木李作花甚盛

西府春三度繁枝膩絳紗無人知木李言是海棠花

示碑工劉國棟

浮生如隙駒名藉金石壽鐫碑雖末技筆勢耐尋究或
鉤或上丹絲髮懼差謬所以北海書必待靈芝鏤關中
富遺蹟半出漢唐舊古法參靜藏稍稍見傳授自我來
兩川留題意倂慙匪戒秦火焚先病蜀刻陋爲文記講
堂鄴學記亦就是些文翁澤紀載眩恟霽爬蒐徧百家
粗喜辨句讀書者均可傳摹勒遠懸購勒成拓一通鄭
重挂宦漏倘令刊石經聚觀定輻輳黨碑鳩匠初安民
畏遺臭仲寧在九江并解護元祐山谷題九江石工仲寧所居曰琢玉坊太
守召刊黨藉碑辭曰寧以刻蘇黃詞爾生遭太平憤烈
翰得飽煖今不忍下手見揮麈錄

無可嗾惟期精益精 禁帖窺結構運刀若運管風雨
快馳驟將軍告賊平摩崖仿斯籀爲煩重下手萬古墨
花繡

校射

治蜀宏文易稱梁受氣偏澤官侯服外相園子城邊地
是荊州借係制府官非驃騎遷碧螺行次引繡纛座中

蹇步準勻施垞幫舒滿拓今射者稱兩肘曰前從容

看壺發脰亂信三穿雁翅排行穩鼉頭播喏圓賃衣聊

楚楚聽鼓最闐闐短眼毫芒審微忱 朱殿懸紫光籠

仗彩青翰帶鏤烟衛士勞 親選詞臣許代填殿試武進

士外場

上御紫光閣前開選以記注官之自來宜在紅木處者籍所中多寡他記注官侍班如儀

整服卽此序賓賢一別承明上重經歲校先冰廳頻糞

掃雪微尚戈鋌入隊青衿耀

去年准令武生入伍成俘白組鮮故事

獻因用

試充弓箭手隨尾勒燕然

初夏寒寄述庵西軍小牧南軍

率地湘紋不上鉤脫縣時候反披裘胡琴帶潤梅迎雨

楚簟含涼麥送秋玉粒盡輸漣水口鐵衣猶滯雪山頭

賸寒易序占天意爲練精神破具州

理鬢

病葉未秋黃病鬢未老白皎皎千萬絲一薙了無迹願

鬢頰則髯均表丈夫德厥梢油漆光厥根雪霰積當其
初茁時短芒吐牟麥謂無黑者存窺鏡怒呵赫霜鐺張
兩箱利用快擒賊一孔三數莖如月記死魄隨鐺隨再
滋元氣受戕蝕顧影無奈何鉛膏藉塗飾連皮紛點黛
透爪苦暈槃效張華置囊嘲陸展媚室有激姑舍旃本
末判兩色近肉浮體體垂領照弈弈臂之梧桐枝到末
反堅實外強中或乾直尋枉僅尺得毋稟氣然物理悔
未格茲鬢獲晚遇意外拱完璧殷勤語華髮覆髻弗施
幘揜惡惡愈彰葆真慎胎息

次韻酬澹園索松江詩箋

濃塗金粉淺塗厄百番談屢爛漫披物產已虛名伎井
人情如作秀才時聯翩錦段驚酬我瑣碎麻紋欲譜
誰從此抽毫先斂彩一方紙限數行詩

講堂示書院諸生

靜女守淡妝美人照炫服所尚雖不同禮義先自淑經
術宏漢京一埽穢秦毒所嚮非大醇相誘在利祿儒生
生盛朝豈貴老巖谷實至名自彰本荒末乃逐園令
東受經斯語自泰必何如張七車春秋通比屬之欲文

翁舊精舍頗慮草蔓鞠適來棟宇新載考講堂踞東南
卽頒宮禮殿溯傳續生等生是邦懷古心肅穆恂恂鄒

魯風剋剋巴渝俗趨慕一以歧吾道遽貽辱非治蜀
賢抗顏村幽獨

竹葉蘭

葉分穉竹難成翠朵效崇蘭不吐香微幸移根白瓷斗
午風吹透讀書堂

草蘭易辨都梁種竹柏須尋峨嶺芽若使涼秋重見此
祇應錯喚石蟬花

吳人謂一花一葉者爲草蘭
竹柏產峨嶺山宋祁有贊

夏至後一日凝臺觀察餞集使署喜雨

齋壇過宿戒閑歲遇乾封蜀犬吠相應吳牛喘易容匆
匆行部遠款款離筵供舊宅票姚壯新衙驛置衡岳公

鍾琪別宅洋棠紅爛漫省樹紫蒙茸檻拂波簾靜廚開晝燈
濃鶯聲迷雪微龜兆圻春農縱使銷金甲還當禱玉龍
汗流咸浹雨雲起忽排峯白點懸霄下金芒閃座重挂
牌來滾滾作陣去溶溶珠璧珍無價梁茨力可逢微涼
生越簟餘潤逮蠻貊對酒情何限催詩興未慵蕭條炊
白夢搶攘輓糧蹤暫爾辭戎索觀察向以輓糧駐紮
雅間時有安仁之戚相
將洗賊鋒豐收多十斛痛飲必千鍾明發乘江漲高城
隔暮鐘

庭草有似藥苗者久乃審其非是戲作

枇杷傍院低銜實芍藥臨階錯護苗今日輕鋤前日灌

多時安穩過花朝

移橙洗竹費週遮更綴籬英殿物華拔去一猶餘臭在
有人重認牡丹芽

題惺亭制府土蕃款塞圖

西北曰塞蕃部稱四衛拉特梓畫楸土爾扈特最荒蠻
未奉冠帶祠春秋有元子孫麗不億外氏策妄

先朝讎悉率醜類避崑崙牧場水草行相求劈正斧沈
質孫敝廬帳非帳裘非裘我

皇拓地越葱嶺準回種類頒共球萬亭障外怨遺已渡
額濟勒輕若汨生身熟身戶三萬草履辨髮詞咿嚙畏

威渥惠破關吏會值秋令循狃腰紫絲疆轡迺天龍
親親殺虎神鎗培宗乘廟前禮銅殿旋騎特許經邊
郵佩印編旗校丁衆頒朔讀法安田疇於闐布多聚屯
廠黃羊紫鼠駝馬牛我臣悉臣主悉主蒙古族盡歸覆
幬公時麾節鎮戎索頓置扉屨儲芻餼遠攜小隊問疾
苦要使絕域知懷柔諸蕃鼎然遶牙帳進止鞠脰龜排
頭爾曾祖某爾祖某爾昆弟某嘗招尤某山某水某夷
險館堠食宿如經由驚呼賊汗手加額公神人也誠斯
投各以其職歲來覲陪臣義敢忘干楨是年鄙人使西
粵錯迂無異周南畱象胥譯舌渺根據忝視典冊封其

舊鼎鐘為述祖德遠綸綍深畏
王言羞我公圖此

紀行役丹青王會交朋彪錦江展對愜春色懷古坐歎

籌邊樓滴博蓬婆彈丸耳宵旰幾載勤咨諏我師埽巢

事俄頃拜釐圭鬯光揚休封沙拉扣肯郡王舍楞貝子冊文皆省欽擬撰

和韻無名氏石谿亭亭在隆昌詩見漁洋詩話

巴渝烟雨荔支青曾倚蓬牕問玉屏一種詩情眠回首

石谿橋畔石谿亭

嘉州食荔支

少長東海隅尤物自洋舶漬以蜜與酒色香味差得雖

非薦新采已慰趁鮮喫中年乘使輶桂嶺有行迹小暑

會告徂輕紅負親璧唐貢歲取涪坡語苦未覈南海片
段僅彼產實馳驛詩人眩鄉土可口哆津液不見眉倅
廳子由詩注眉倅伸手無可摘朝來食指動珍果致的
的絳襦白玉膚了了恣攷析天漿斟飽滿仙酒窖芳澤
稍嫌名實浮少肉乃豐核主人笑謂我茲樹茲土特守
之閱數旬采之靳一鬲非關苑鳥啗請效齊蠶食內熟
我弗愁中乾誰似腊物少斯見珍肯遣六丁掎我欲懷
種之遷地復何益庶作嶺南人日噉顆三百

嘉州寄陳太守時若軍中

鑪峯照日紫氤氲燭醉琴歌袂久分借問兩年漢嘉守

幾時載酒到凌雲

陳居九江之甘棠湖

劍炊矛漸住松岡礮火驚飛百戰場解識西南夷變俗

講堂分廁兩何郎

君嘗爲茂州土司二子請入書院

墨版雕摹失舊痕孟家經字石無存此間也奉求書詔
難向書坊叩解元

鐙巖文體宿稱豪重見潯江一羽毛好及莎羅奔繫頸

省油燈盞爲君挑

嘉定省油燈見老學庵筆記

腹疾肖山司馬遺布襦

伏日裴縣蜀布斑斕第隱語誼相關隱囊並配人排倚

錦段先防客卷還

用少陵張舍人遺錦褥段詩意

知己感生車吐處逮

親淚盡鼎烹間因君懷抱兼振觸宵夢難圓鶴骨孱

爾雅臺

金山臨石簿曾訪郭公墓墓兆豈在斯圖經慣沿誤頃
來爾雅臺高險踞巖路當年放散身爲作蠱魚計墨花
染江鱗鱗鱗洗不去到今桃浪時黑頭恣漁捕得毋白
鬣精精氣永呵護近賢記名勝強半出依附烏尤卽離
堆冒名復何處側聞健爲郡自漢入貢賦舍人暨文學
箋記滿竹素此學誰與承此業誰與付願言借同紙投
老老經庫

白華別稿卷第四玖

南涯



卷四玖

古今體詩願門集

我眉之山始見於蜀都賦胡氏渭當以禹貢蔡山
無可疑矣自嘉定至縣八十里至其顛百二十里
惟春盡至秋半山路雪盡可達嘉州試藏借秋塘
率二騎往焉山傳爲普賢道場其法門山願而入
類如儒者之言勇勇於遊有如此者不可不詩
伏後發嘉州爲大我之行

幾朵蓮花涌郡樓笑憑栗杖撥峯頭華戎路盡蟠千里

仙佛身兼證一流炎令未闌冰欲化潮音不上雨難休
短袍圓笠栖栖往人爲朝山我爲遊

出郭絕草屨渡

西譙枕危坡陡上復陡下槎枒巖石間荒第暗炎夏山
薑花不開長葉勢相亞一折見浮橋洪濤快淩瀉青衣
夾草屨東逝無日夜登高先涉深有徑例須借長風吹
客襟驕陽怒回射言悟樂山心清鐘起精舍

蘇稽邨

青青香稻根漉池浸盈尺僕夫嬾問途騎馬蹕牛跡東
場間西場烟火望交織傳言玉局公稽留永晨夕公生

紗縠行程王繫密戚皆非嘉州產來此欲誰覲編年富
詩卷不戎大我適或言蘇環子初年坐論謫於祖爲
遷文誼資感激築亭姑號孟成邨遂姓鄒三峯高巍巍
一水淨滌滌呼渡景色蒼幽踐果岑寂

玉屏山家

暑路拂寒翠條條修竹林在機白紵布繫樹黃牛音莫
問少我道雪蹤行更深半瓢酌谿水緩帶玉屏陰

我眉縣宿雨

信馬平田外濃氛染縣門路積山似浪戶少邑如邨香
會今停稅蔬齋晚進餐打聽聞急響重洗曉眉痕

發南門至了寶寺小憩

將從化人國遂出儒林街沿紆指良方累磴如羸麻油
油稻吐芒謾謾松搖釵籜冠三數子頂禮紛挨排行天
絕夏日寒翠盈我懷渴飲瑜伽流勞憩慈福齋拘廬閱
時代紺碧生涎蝸一聲發清磬萬慮剛淫哇巨儒膀真
境寺坊揭魏鶴山所書學道非無階仰止愴忘語且與
空桑偕巖峯真境四字今失

報國寺觀明祖御容

紅羅孤兒起濠泗龍鳳之君正名義吞吳埽漢天咫尺
洪武紀年儼稱制星眸日角河嶽明戎衣社稷終告傾

淩烟畫象莽蕭瑟帝表一見吾猶驚方巾草帶真氣出
三十功名狀仿佛賜履應偕蜀秀才奉香尚託普賢佛
閻浮劫火沈復飛早年皇覺空因依孝陵松柏竟無恙
靈谷同此留光暉琳宮玉地照虹霓見首神龍界衣緣
藏處今歸西極山暉時曩識 南薰殿

虎谿

九老寺前孤往十方院外偕來谿聲遶腳聽合樹色壓
頭望開人行如魚逆上佛見胡甸切有鳥忙催直得過橋
一笑社蓮零落難栽

伏虎寺

礪聲奮疾雷萬峯颯搖動一峯踞如虎頭尾塞天空客
行持其髻跣步惴魂夢初枕升末枕努力駕飛鞚灑然
白足師枯坐事焚誦披我循石梁納納夏雲凍篁幽鳥
息窺樹老蟬發哢爲問尊勝幢宋僧士性立此厭虎患往蹟廢炎
宋猛噬終絕蹤結茅慰徒衆珪璋著朝彥蔣虎臣超安棲入
林洞雖無玉帶畱幸有銀鉤供開堂款茶話下視累深
甕在寺白鹿陪出寺斑鹿送

解脫橋

風洞招涼響不多筍輿無逕避藤蘿流雲泱泱催人起
解脫橋連解脫坡

玉女峯

玉女隔太華十手難與招招我過中峯乃涉青竹橋華
嚴架飛閣婀娜垂雲鬢浴池廣四尺不涸澄不淆湛然
離垢心有客宋邛州牧馮輯嘗編茅忍飢對經卷饋食來娥媼
蒲團示宴坐弼版辭紛敲超超淨名地假相真浮泡

枅木坪

坪有一大枅俗稱木涼傘

華旛摩石壇絳旛翳金闕莊嚴帝釋儀隻手障翳喝何
年委斷崖亭童耀窮髮孤撐幾由旬終古布濃樾其腹
中怒呀置象儼朝謁石公石新婦神火蘊醞醇一遭橫
雨來遮頭坐兀兀昔聞豫章材七年始生發終爲梁棟

需早受斧斤伐震川論采枿苦語告紳幼山深民運艱
須此辟支佛賓迦龍木叉徒倚護靈窟書亦奔未曾紅
鶴污豈不葆影遽翩翩長風起飈欬

石船

輕筩臨白厓壑舟纖相向沈雄負千斛作使巨鼇盪胚
渾結山骨炯碎琢天匠左右排蓬牕首尾擁屏障午間
凍雨懸念汝沒谿漲萬靈伏水底推輓駕高浪水枯船
遂低水盛船自上得非大願船西來度塵瘴帆影挂有
然驚痕齧無恙僂僂是山潮請效舵樓唱

五十三步

蒼磴連排五十三落伽同記善財參不知前步高多少
將半鐘聲殷隔庵

大峩石

石下卽神水旁有閣及陳希夷書福壽字

香鑪峙我前寶掌落我後白雲遶我左玉女掖我右蒼
烟千萬重出意蹙金繡洞門堆一卷問名壓靈鷲困輪
斲巨刃橫走圻龜繇神湫漢其間孟仰得方寶醞醕沁
冰雪掬付兩頰漱人生無百年不死法難購一老來華
山點筆咳冰籀視聽頌清福胎息籲遐壽竊笑二三峩
拱讓大峩秀閣前香樹林椿柏陰四覆旁檠蜿青螭直
幹愈堅痠餘清湛水木秋氣入筋腠笛聲吟老龍裂竹

響交驟咄嗟太妙天待與綠章奏

歌鳳臺

之子行三楚興言鳳德衰如何羅目縣復有陸通臺風
調開騷些狂名照斗魁一歌聲欬乃響水過橋來衰從
賀知

章讀

雙飛橋

本名
雙溪

一谿衝一橋一橋束一谿谿雙橋亦雙溪乃名雙飛劈
開烏玉峽積下元冰漸側耳三日聾怒虬騰水嬉伏地
奮播鼓坤軸翻東西厓傾路磬折咫尺步皆紆威四山起
殺氣黯黯沈衿衣魑魅晝寒栗彳亍行且啼萬靈意慌

惚直以牛心石支力持二水交磨洗棱與圭頗聞卜應
泉晴雨徵浙炊道人修道處取徑便板躋花壇鍊鉛竈
松院敲枰棊草木死不可要足淩丹梯喻彼廣長舌去
去蹤難稽

踰白龍洞投宿萬年寺

蟻壙堆亂峯鳥道探微徑洞門森蟄靈揖禱致恭敬盤
旋上木末十夫導游偵俄聞懽笑言神皋豁正正青蓮
湧大千海會會西聖行空仰赤曜紺碧麗珠鏡翔步遵
高衢花宮恣妍靚入門馴鴿迎過院沸蜩應元悟生道
心頓遣熱塵淨伊蒲饌試充優曇華欲贈昏冥篁柏陰

圍住夜鐘定懸燈照四更下弦月痕凝

萬年寺觀佛牙

寺有正德間賜喃兒節及萬歷間命經廠表白王舉齋藏經至

寺祈福

二勅

精藍冠窮厓自晉紀僧臘鎮山鴻寶多云出九重闔武
皇勅都綱妙楷足摹搨系以旁行書瞠目厭嚙嗜何王
大藏經頒誦禮三帑表白承特差祈懺望交答眇躬登
康泰民物任衰颯失常鑒亂朝唾棄付歎飲一僧擎畫
篋解緇映文笈有物蛻尺餘黃白色相雜削成株翹犀
磨就印撥蠟滑笏便手捫棧鬱緇頤噓上下斷棱嶒左
右齧猥黠橫裂痕半開勻沁點四合厚藏象齒如奮拔

鯨牙盍西天拈笑人四八相圍納偶然委輔車宴坐支
兩頰迎歸雙樹林厭勝千花塔我聞無遮會香宅埽茸
闌又聞那竭城寶函護鏗磕水火不熟濡刀兵不戕拉
亦有倨曲材附會向獅鴿羚羊角擊之破碎喪皆塔是
爲神獍齒黔蜀產紛沓真者頂欲戴僞者腳思蹋而何
丈六身調御逝長溘瀾翻逞餘慧抵掌脫烏匿故教置
包匭還與薰艾蒔飽嘗一櫟飭絲鬢老禪榻禪祖持法
牙伴我整簪

甄殿禮普賢銅象

虛靈洞天數第七廣成師授皇軒轅仙家佛家代升降

謂此常住菩薩根願王苦修度南戒五臺補怛相雄尊
不參慈悲不參智要峙鼎足開法門三千眷屬受摩記
范像紺寺祥雲屯宋時遺范化回祿明梵甄殿輝祇園
搏恆河沙汰墾髻無楹無拱高累甃下方方廣上方銳
力踐實地非鉤援山月晃朗照肉髻谿風颯拉繡珠帔
金身峩然相端好妙染篤耨霏烟昏六牙香象帖如鼠
擁座不動資趺蹲菩提覺性伏羣猛何況四壁聽法諸
佛頭排竈禪支萬萬泝迦葉圓通品乃超籬藩堅持宏
願慰沈墜明星慧日光瞻暉法華四法見胡甸本相人切
力結撰精不存諸天供奉出慈詔琉璃界可連朱闕兩

法白水鑑孤影闇井安得窺真源鎮州大佛亦金鑄濁
惱一切薰塵躋茲殿茲像嘆希有欲挂偏袒成高鶩落
公琴聲憶清聽一笑解脫忘名言

曉上觀心坡至息心坡飯

山房開曙遲攬衣趁僧課殿後迴向東烟梢凍痕破我
行赴烟頂畏受輿丁簸杖藜投溼泥哀淙咽相和半厓
見石郎麼眇踞高座盤陀一十三蛇逕走牛磨舉膝當
我心心搖膝則那禿樹纏亂藤累寸恣巖垓竹雞迎客
啼松鼠避人過午餘麗初旭額手致遙賀嵌空出菌閣
小食憫飢既隨白雲升便隨白雲臥

深坑

一名雲壑

山雲連斷壑晴樹泣難晞欲挽遊人語難邀仙鼠飛半
天懸鐵索一水抱青衣俯仰生寥曠我心何所依

初殿

已攀駘駘嶺遂指鸞鶴峯一綫挂微徑被徑青連叢木
杪露平地燒壁干花紅僵死見竹籊維荀僧猶供似聞
上層路蔬茗無春容撥雪尋寸芽暑月裘蒙茸少安駐
芒屨雲海行相逢前山賣漿客後山採藥翁導我坐蒼
鹿四顧天迷濛

一椀水

涼乳涓巖竇因風灑綠蘿道人攜玉碗滿引不須多

華嚴頂佛閣觀雲海

入山罷不能自踵漸摩頂惺惺吹鬢絲霧閣坐延頸圭
撮羅衆峯紫翠媚餘景龍脊嘯毒怒濡縷起深井一雲
肖一物一物幻一影蓬蓬來四方作氣護悽冷彈指成
化城虛白混畦町妒羅繚萬重跋陀海千頃隔掌不見
人圓滿了循省華嚴稱法藏世界本平等呼童換熟衣
閃閃智燈耿蒲公暨鬼谷慰我支丹鼎花汞散復收紅
日照金鉸悠然生滅心空色悟精警雲合我甦忙雲開
我終靜回瞰閣下頭澄波鑒魚荇

鑽天坡

蹊步緣秋毫，跂行鮮淩瞥。山精妒遊駕，倒作五丁掣。鉤帶青石棱，兩踝血流熱。手足爭效能，梯天絙寒鐵。枯箭趨一門，重閉限金鑄。仰之復鑽之，不惜古錐折。佛心垂大慈，一笑援窮子。翼以杪櫺陰，搖風響騷屑。一林千萬林，刀火膏遺槩。眩掉精屢疲，眺攬勇須決。安得鑿稍平，徑躡古時雪。豈惟人到難，試看鳥飛絕。

洗象池

象王有香象，不洗不會騎。住鉢龍分水，看壇鹿飲池。波瀾紫霞氣，蹴蹋白雲期。宣武門前景，閑僧恐未知。

初喜亭

衆生距菩薩返照同一身平地距山頂實踐同一塵聞
香覓前路貝多罪襲人虛亭翳林杪曠望無與鄰潭潭
濯雲霧爛爛披星辰裁眉月爲鏡平羌水爲紳見胡甸切
在何可喜過去何可嗔寄言向禽侶且學羲皇民

滑石溝

石氣冰

去

人寒苔衣膩不乾披裘五六月躡屐一千盤

雪采依山淨雲聲落海漫雷威古松樹翦取待君彈

木皮殿

禪堂苔翳瓦不用土用木不用節用皮俾禦雨淋漉俾

禦風蕩搖俾禦雪壓覆爲質韌且輕賤視糞冷竹杉枏
大百圍冰霰飽牝谷鐵榦青銅柯肯受斧斯勵匠心訴
真宰筮取剝膚酷禡如牛草輩鋪似魚鱗蹙石卵分鎮
之牢固勝純束計貲工不煩論壽朽豈速茲殿臨廣坪
柏翠迴滋沐剝竿荒以寒遺碣失載錄竟無獻果後或
有守林鹿而何袒拜人作會等雞鞠前去高上天貂狐
喪恆燠苦茅難結廬牽蘿鮮補屋須彌與大地金界耀
乾竺俛瞰來處山模餉隱雲族

白雲殿

殿下千朵雲雲中一朵殿殿棟雲宿之山心闕無見雲

來懸作衣雲去凍爲霰

雷洞坪

山精縱荒率挂眼了無剩決起風雨師出奇肆雄橫砰
訇鐘發杵喧沓船走碗雷車戢鼓來萬仞劈懸磴彼坪
殊不平劣斷采樵徑巖霏滑如乳盲昧照孤藥九霄落
九淵垂趾卽危竅叢欖交拄之深景一扶凭不見人迹
投矧乃人語應略持精進幢爲攬妙明鏡

瞰九老洞不得下

洞門如組井深翳木蓮紅言飲一盂水長懷九老風雞
聲仙樂亂鶴影道裝空列炬憑呼取踟躕徑未通

老僧樹

智樹招定僧僧定腹其際僧爲樹知識樹得僧布施僧
枯樹不枯膏此涅槃地綠蘿擢僧髮蒼藤引僧臂是樹
還是僧示我悟身世忽聞風樹音依約梵聲曳

天門石

人天懺阻艱峻極就平坦盤盤八十四歷盡息瓊館壇
石三四方離立介哇噠一石雄且尊地戶遙虛歛灼然
三兆開劃若六爻斷驚飄蕩魂魄如氣迸羌管雙闔排
不難九關守可緩入門控單騎蒼寒戒褰袒女媧居是
山煉石石華滿山開門影長山閉門影短

光相寺臺觀佛光

大我我我偈霄漢有臺高架如登輶不情嵌壁下無底
怪游雲物噬壑蛟俾十八天河銀地障眼晃漚投吟鞘
跼跼一鳥似鸛鶴至自上界鳴聲咬西方聖人通鳥語
不垢不淨揚華鬘法輪常住日輪閃雄虹雌霓頭尾交
若中秋月抱重暈若太極圖藏一胞青黃朱碧幻種種
若置畫手施神膠不見人相見我相對大圓鏡無叢淆
人身手動佛光動圓滿四照王城郊我思如來相海三
十二身光一丈縈嚴劫卽一葉中具真相空色莫可探
潛苞或云石氣或金氣曉夜遞積騰山竅清見

胡甸切下同

小見攝身見石湖載錄尤厯歟雲光迴薄日下射想象
天地陰陽包微塵自大大千小要放智慧參繇文雲蒸
日隱光亦隱西日特地光橫指乃知佛見鳥名如鸛而小祇
是報晴者休使人相我相攬擾胸塞芽我求佛蹤聞佛
說爲露爲電爲飛泡迴身一照玉毫在留犁法藏皆當
拋智王相遇作厮打卷泥巨象誰雄勝臺前光收客竟
下肉眼睜看烟漫梢

峩頂

一片春眉影滄涼最上層燎衣丹竈火鑑髮玉壺冰到
夢仙纔似披圖我特曾不愁逢晦節中夜湧神燈

太古荒虛外山山雪逗痕地盤盡西極天路下南門稍
吐樹杪秀難驚鶴鶴尊崑崙論伯仲回首曠乾坤
亂水吞仍吐羣峯合旋開掌中繫日月腳底動風雷大
地浮銀闕諸天渡玉杯迢迢千萬里直上放光臺
盛暑懷如冬疎寮酒失濃六棱五色石一寸萬年松冷
盞拋塵話薰鑪泥道蹤不知昏霧裏誰打報晴鐘

聖燈歌

震旦山云第一靈陵天云第七山青天青響瑤瑟苦霧
沈冥暗黏漆燒山半炬銜山九日爛爛熒熒聖燈出前
燈後燈忘如律燈疎燈密燈擁山高燈下燈往復還紅

於海榴大於蓋三昧碎簇金芒斑吾云是陰火姦道場
遠隔裨海灣吾云是燐火殷仙界下隔冤鬼關乾螢無
輝燭龍竄有時裹入放光臺上光交環是時絳河在天
漏三五夜氣迷茫溼經鼓野僧落款飛葉橫葉上孤光
遯何許歔嘻乎智燈非智法非法百華九枝卷塵孽收
處終隨蘭燼空見來自吐松明雲燈痕畢竟是星痕星
淡星繁燈不言今宵朗徹三千界認作蓮華放水盆

白龍池

白龍公黑龍子躍入金殿東一里池上天池中水水花
上天俄下天天放日光浴清泚

峩頂望西北諸雪山歌

我行兩川三載不見雪見雪乃在三伏之庚天大峩過
夏雪亦化惟有泰西乾竺一林山影如傅胡粉堆吳絲
曬經稍近南瓦屋介西北光音寥寥四天碧佛頭青青
佛毫白白波汗澍朝大峩沫濛汶瀆縈帶羅四州郊郭
小於豆卻借大圓海底一氣供噓呵眼花落井腳跟掉
賦雪看山人不到修羅半霎如清眺亂吐雲衣裹山貌
豈知山靈遼望終古極空闊中峩小峩眇塵末坐使雪
山萬里迴巧獻技赴庭闥嗚呼安得佛日融雪山徑通
佑我再攬八極支孤筇

自華前稿

卷五十三

古

山歸

三島離奇五嶽尊，西天平看祇兒孫。
金剛臺上蒸炊少，但吸圓光倚願門。

銅碑錫瓦界無遮，雲海燈山雪放花。
不向頂峯參佛眼，那知清淨是繁華。

懸厓一綫繩枯印，勇進九防退步鬆。
漸卸棉裘換絺葛，三生迴聽下方鐘。

蘿峯

庵名蔣太史築

小築渺塵溫，笑檢烟霞付別筵。
會取三吾

題字，意義山泐水在心頭。

自題入山詩後

入山往返五日作伴形影四人紀候適當大暑參禪不見天親

倦坐竹簍眼合勇扳鐵索手胼過處偶題名姓歸來猶帶雲烟

亦思文字不立卻恐好景難追珍重朏明一語蔡山當是峨眉